

ԿԱՐԻՆ ՔԱՂԱՔԻ ԱՌԵՎՏՐԱՀԱՄԱՐԱԿԱԿԱՆ ԿՆՏՐՈՆԻ
ՔԱՂԱՔԱՇԻՆԱԿԱՆ ԵՎ ՃԱՐՏԱՐԱՊԵՏԱԿԱՆ
ԱՌԱՆՁՆԱՀԱՏԿՈՒԹՅՈՒՆՆԵՐԸ

ԴԱՎԻԹ ԿԵՐՏՄԵՆՋՅԱՆ

Կարինի առևտրահասարակական կենտրոնն ունեցել է կուռ, ընդարձակ, շղթայածև՝ հաջորդական հրապարակներից կազմված հորինվածք։ Այն, անցնելով նրա հնագույն մասերից մինչև նորագույնը, հանդիսանում էր քաղաքի ֆունկցիոնալ մասերը շաղկապող կարևոր քաղաքաշինական տարրերից մեկը։

Սասնապետները և ճանապարհորդները հաճախ Կարինը, ըստ նրա անցած պատմական ժամանակաշրջանների, բաժանել են հնագույն, հին և նոր մասերի (զծ. 1)։ Համապատասխանաբար զարգացման նման փուլեր են զանադանվում նաև քաղաքի կենտրոնի կառուցվածքում, որի ճարտարապետական և քաղաքաշինական վերլուծման համար հարկ է ուսումնասիրել ամեն մի շրջան առանձին վերցրած։ Մեզ հասած տեղեկությունների համաձայն հնագույն Կարինը դա նույն Թեոդոսուպոլիսն է¹։

Թեոդոսուպոլիսը (արաբական աղբյուրներում՝ Կալիկալա) տարածվում էր քաղաքի պաշտպանական կենտրոնի՝ ամրոցի շուրջը։ Ղ. Ալիշանը նշված վայրի մասին հաղորդում է. «Ի մնացուածս հին շինուածոցս քաղաքին՝ որ հարկ է թէ չէին սակաւք, այժմ նշանաւորք բերդն ստուարապարիսպ՝ Գարապալէ կոչեցեալ, յոր անուն և քաղաքն Քալէֆալէ՝ կոչէր յարաբացւոց և միջնաբերդն իշքալէ, յորում ապարանք կուսակալին և ղինարան ճէպխանէ... Պարիսպ մյուս ածեալ բերդան, և մէջ երկոցուն զպարսպացն հիսարապիչէն կոչեցեալ՝ դատարկ է, երկոքին ունի աշտարակս կամ բրգունս՝ 62 ընդամէն, և չորք-չորք դրունք պարսպացն, և խրամ խոր զբերդան. երեկն նշմարք և այլոյ խրամի հեռագուլն զքաղաքան ածեալ, որոյ է շրջապատ իբր երեք ժամուրք»²։ Այսինքն, հին քաղաքն ունեցել է երկմաս քաղաքաշինական կառուցվածք և չորս դարպաս։

Հին քաղաքի շուրջը իրարից 50—60 մետր հեռավորութեան վրա փորված են եղել քարահյուս որմերով փոսեր [խանդակներ] և տեղ-տեղ ձգվել են քարաշեն կամուրջներ։ Բերդաքաղաքը արտաքին պարիսպների վրա ունեցել է արևմուտքից՝ Նրդնկայի, արևելքից՝ Թավրիզյան, հարավից՝ Նոր և հյուսիսից՝ Գյուրջիի դարպասները³։ Ուշագրավ է, որ Ալիշանի հիշատակած չորս դարպասները տեղադրված են եղել երկրի չորս կողմերին համապատասխան։ Այս փաստը, ինչպես և քաղաքի երկմաս ֆունկցիոնալ կառուցվածքը, հիմք են տալիս պնդելու, որ նրա հատակագծային հորինվածքը անտիկ է։

Կարինի դիրքը պաշտպանական տեսակետից առավելութուններ ունենալու հետ նպաստավոր էր նաև առևտրական կապերի համար։ Հին ժամանակներից ի վեր նրա վրայով էր անցնում Արևելքն Արևմուտքի հետ կապող առևտրական կայանորագույն մայրուղիներից մեկը⁴։ Այդ պատճառով էլ քաղաքի բնակչության կազմում գերակշռում էին առևտրականներն ու արհեստավորները։ VII դ. վերագրվող տաշիկ անանուն աշխարհագիրը հիշատա-

1 Հ. Քոսյան, Բարձր Հայք, Վիեննա, 1925, էջ 7։

2 Ղ. Ալիշան, Տեղեկագիր Հայոց Մեծաց, Վենետիկ, 1885, էջ 36։

3 Հ. Քոսյան, նշվ. աշխ., էջ 9—10։

4 Թ. Խ. Հակոբյան, Հայաստանի պատմական աշխարհագրություն, Երևան, 1968, էջ 228։

կում է. «Կալիկալան մի քաղաք է, որ իր ներսում ունի բավական անառիկ ամրոց..., այստեղ առևտրականների թիվը շատ մեծ է»⁵։ Պատմությունից հայտնի է, որ 752 թ. բյուզանդական կայսր Կոստանդին Ծ-ն (Կոպրոնիմոս) գրավել է Կարինը և մեծ թվով հայ առևտրականներ ու արհեստավորներ է տեղափոխել արևմտյան գավառներ, նաև՝ Կ. Պոլիս⁶, Արաք մասենադիրները



Գծ. 1. Կարինի տեղահանությունից հատկապես. 1. միջնաբերդ, 2. հնագույն Կարին, 3. հին Կարին, 4. նոր Կարին:

բազմիցս նշում են Կալիկալայի զարգացած գորգագործության մասին, նույնիսկ ասելով, թե «Կալիկալայում մի տեսակ գորգ են պատրաստում, որ իր անվան կրճատումով կոչվում է կալի [խալի]»⁷:

Այս և այլ բազմաթիվ տեղեկությունների հաստատում են առևտրական կյանքի գոյությունը քաղաքում, հետևաբար և՛ առևտրահասարակական կենտրոնի առկայությունը:

⁵ Hudud Al-'Alam, The regions of the world, Oxford, 1937, p. 142—143.

⁶ «Պատմություն Ղևոնդեսայ Մեծի Վարդապետի Հայոց», Կ. Պետերբուրգ, 1887, էջ 132:

⁷ Ցափուտ էլ Համուհի, Աշխարհագրական բառարան, խլպցիգ, գիրք 4, 1924, էջ 19 (արաբերեն):

Կարինի առևտրահասարակական շենքերը միշտ էլ գրավել են ճանապարհորդներին: Ուշագործվում էր Հին Կարինի վերաբերող այդ տեղեկություններից նշենք Ն. Քոսյանի հետևյալ հաղորդումը. «Քերդիս շուրջը կտեսնվեն այժմ մեծ ու փոքր վաճառատեղիներ, տեղ-տեղ ալ միահարկ ու կրկնահարկ, մասնավոր առևտրյան կողմը»⁸: Ղազար Չարըքը հիշատակում է, որ Կարինի շուկաները հնագույն ժամանակներից սկսած եղել են ալքի ընկնող և եռուն: Հնագույն Կարինը իր շատ փոքր տարածքով իսկ ունեցել է քաղաքների նմանվող ընդարձակ շուկաներ, որոնք իրենց գոյությունը պահպանել էին մինչև 1914 թվականը⁹: Մովսես Խորենացին, ճշտելով Թեոդոսուպոլիսի առևտրահասարակական կենտրոնի տեղը քաղաքի ֆունկցիոնալ կառուցվածքում, վկայում է. «Եւ ի մէջ քաղաքին ի բարձրաւանդակ վայրի մթերանոց բազմապատիկս շինեաց և Աւգոստին անուանեաց ի պատիւ Աւգոստոսի»¹⁰:

Թեոդոսուպոլիսը, գտնվելով Բյուզանդիայի և Պարսկաստանի սահմանադիր ճանապարհի վրա էր հարձակումների նրա վաղ միջնադարյան առևտրահասարակական կենտրոնի մասին տեղեկությունները սուղ են: Սակայն պարզվում է, որ քաղաքը, հիմնադրված լինելով կայսրի հրամանով, և ոչ թե աստիճանաբար առաջացած (ինչպես վաղ միջնադարյան Հայաստանի մյուս քաղաքները՝ Դվինն ու Նփրկերտը), իր հատակագծային հորինվածքով ուներ անտիկ քաղաքաշինական սկզբունքներ: Այդ են վկայում նրա երկմաս քաղաքաշինական կառուցվածքը, դարպասների թիվն ու տեղակայումը երկրի կողմերի նկատմամբ և առևտրահասարակական կենտրոնի տեղաբնակումը՝ ամրոցից որոշ հեռավորությամբ, քաղաքամիջոց, որ բնորոշ էր ագորաներին¹¹:

VII դ. Կալիկլան գրաված արաբական զորքերը միայն X դարում են, նահանջելով բյուզանդացի զորավար Զմշկիկի բանակների առաջ, հեռանում քաղաքից¹²: Դրանից հետո քաղաքը երկար ժամանակ չի վերաշինվել: Ըստ XI դ. բյուզանդական պատմիչ Միքայել Ատտալիատեսի, Թեոդոսուպոլիսը ավերված էր ու լքված¹³: 1018 թ. Վասիլ Բ կայսրի հրամանով այն վերակառուցվում է տեղի բնակիչների ջանքերով¹⁴ և վերանվանվում «Կարնոյ քաղաք», իսկ ավելի ուշ՝ Արզրում և այժմ՝ Էրզրում¹⁵:

«Խառնոյ քաղաքի» դերը միջնադարյան կարավանային առևտրում ավելի ցայտուն է դառնում Արծնի կործանումից հետո (1048 թ.), Թեև այն ենթարկվել էր սելջուկների (1071 թ.) և մոնղոլների (1252 թ.) ասպատակումների, սակայն միջնադարյան տարանցիկ առևտրում, իր աշխարհագրական կարևոր դիրքի շնորհիվ, հաջորդ դարերում ևս շարունակում է մնալ որպես կարևոր վաճառաշահ քաղաք: Նրա ծաղկման շրջանը կարելի է համարել IX—XIII դդ.՝ մինչև մոնղոլական արշավանքները: Կարին-Թեոդոսուպոլիսը դարձրեց շարունակ եղել է Արևմտյան Հայաստանի գլխավոր քաղաքը և վարչական կարևոր կենտրոնը¹⁶:

Անդրադառնալով Կարինի քաղաքաշինական ֆունկցիոնալ կառուցվածքին, նշենք, որ այն նույնպես բաղկացած էր միջնաբերդից, բերդաքաղաքից և արվարձաններից: Լինելը, լինելով քաղաքում, հաղորդում է, որ այն ոչ հե-

⁸ Ն. Քոսյան, նշվ. աշխ., էջ 8:

⁹ Ղազար Չարըք, Կարինպատում, Պեյրուս, 1957, էջ 106:

¹⁰ «Մովսիսի Խորենացու Պատմութիւն Հայոց», Տփլիս, 1913, էջ 339:

¹¹ «Всёобщая история архитектуры», М., 1973, т. 2, с. 301.

¹² «Մտն փանոսի Տարոնեցույ Ասողկան Պատմութիւն Տիեզերական», Պետերբուրգ, 1885, էջ 179:

¹³ Michaelis Attaliatae, Historia, Bonnae, 1853, p. 148.

¹⁴ «Պատմութիւն Արիւտա կեսի Լաստիվերտցույ», Երևան, 1963, էջ 88:

¹⁵ Ս. Տ. Երեմյան, Հայաստանը ըստ «Աշխարհացոյց»-ի, Երևան, 1963, էջ 58:

¹⁶ Թ. և Հակոբյան, նշվ. աշխ., էջ 227—228:

ուռ անցյալում ունեցել է հումաս հատակագծային կառուցվածք¹⁷, որը հստակ երևում է ուսական զորքերի կողմից Կարինը գրավելուց հետո կատարված տեղահանությունից հատակագծում (գծ. 1)։

Բերդաքաղաքի շուրջ դարպասներից Թավրիզյան դարպասի մոտ կային (ըստ Տեյլորի կատարած նկարի) զանազան առևտրական և արհեստավորական շարքեր՝ Զիֆտե Մինարեին և նախկին դիվանատանը կամ հունական մատենադարանի շենքին կից։ Մի այլ տեղեկության համաձայն այստեղ էր գտնվում «Գյումիշլի գումբեդը» (Արծաթյա գմբեթ) հրապարակը։ Արևմտյան կողմից Երզնկայի դարպասի մոտ էին գտնվում փողեբանոցն ու Զիրիտի (Զիարշավի) հրապարակը։ Վերջինս գտնվում էր քաղաքի երկու գլխավոր փողոցներից մեկի՝ Թավրիզյան դարպասից երկարող փողոցի վերջնամասում։ Հարավից Նոր կամ Խարբերդի դարպասն էր, որտեղ եղել էր Բաղարբաշի հրապարակը։ Հյուսիսային կողմից՝ Գյուրջիի (Վրացական) կամ Տրապիզոնի դարպասի առաջ բացվող հրապարակում կային բաղմաթիվ խանութներ և կարավանատներ։ Մաքսատան շրջապատում ապրում էին տարբեր ազգության պատկանող վաճառականներ, և այս մաքսատունը Զմյուռնիայից ու Կ. Պոլսից հետո համարվում էր ամենաբանուկը¹⁸։

Տրապիզոնի դարպասը գտնվում էր Երզնկայի դարպասի մոտից ճյուղավորվող 2-րդ մեծ փողոցի վերջում։ Նշված երկու գլխավոր փողոցները, տարածվելով քաղաքի երեք դարպասների միջև, Երզնկայի դարպասի առջևում հատվելով, կազմում էին հրապարակաձև մի տարածք։ Այսինքն, բերդաքաղաքի դարպասներից դեպի Կարինի արվարձանները անցումը կատարվել է զանազան հրապարակներով։ Դրանցից ձգվող գլխավոր փողոցները իրար էին կապում քաղաքի շուրջ դարպասները։ Սակայն փողոցները իրենց հատակագծային նկարվածքով նման չեն անտիկ քաղաքաշինությանը բնորոշ Դոկումանոսին և Կարդոնին։ Սա ենթադրել է տալիս, որ միջնադարյան ժամանակներում քաղաքը վերակառուցելիս աղավաղվել է նրա անտիկ հատակագծային նկարվածքը։

Թավրիզյան դարպասի հրապարակում եղած կառույցների մասին հանդիպում ենք հետևյալ նկարագրությանը. «Թավրիզի դուռն մեջ կա մի հայտնի եկեղեցի, որի գմբեթը ունի 50 արշին բարձրություն։ Այս գմբեթի մի քանի կամարները փլվել են... և անհնարին է եղել վերականգնել դրանք։ Այդ պատճառով մուսուլմանները մի մզկիթ են կառուցել դրա դիմաց»¹⁹։ Նույն վայրի մասին մի այլ աշխատություն մեջ նշվում է, թե շուկաների կողքին էին գլխավոր մզկիթը (Ուլու Ջամին) և մի քանի բնակելի տներ²⁰։

Վերոհիշյալներից կարելի է եզրակացնել, որ չնայած բերդաքաղաքի կառուցապատումը փոփոխվել է միջնադարյան ժամանակներում, սակայն նրա առևտրահասարակական համալիրը պահպանում էր Թեոդոսուպոլսի առևտրահասարակական կենտրոնի քաղաքաշինական տեղը և զարգանում էր միջնաբերդի շուրջը, տարածվելով (ըստ անտիկ քաղաքաշինությունից անցած կառուցապատման ավանդույթի) գլխավոր պաշտամունքային շենքի՝ Ուլու Ջամիի կամ նախկին մատենադարանի և Զիֆտե Մինարեի շրջապատում։ Սրանց տեղերում վաղ միջնադարում եղել են քրիստոնեական պաշտամունքային կառույցներ, որովհետև, ինչպես նշում է Ջոն Հոկը, «այս վայրերում իսլամական ճարտարապետության նմուշներ երևան են գալիս միմիայն ուշ՝ XI դ., դրանցից շատ քիչ հուշարձաններ են պահպանվել, դա էլ XII դ. վերջերին վերագրվող»²¹։

¹⁷ Lynch H. F. B., Armenia, v. 2, London, 1901, p. 210.


¹⁸ «Օտար աղբյուրները Հայաստանի և հայերի մասին», հ. 4, Երևան, 1967, էջ 61—63.

¹⁹ Նույն տեղում, հ. 2, Երևան, 1964, էջ 42.

²⁰ „Researches of the Rev. E. Smith and Rev. H. G. Dwight in Armenia“, v. I, 1833, Boston, p. 131.

²¹ J. Hoag, Islamic Architecture, New York, 1967, p. 222.

Կարինի առևտրահասարակական կենտրոնի հատակագծային հորինվածքը, ինչպես արևելյան քաղաքների նույնատիպ համալիրների մեծամասնությունում, կազմված էր առանձին մասնագիտացված շուկաներից և արհեստավորական թաղերից: Վերջիններից ամեն մեկն ուներ իր բաժանմունքը. մի փողոցը հատկացված էր մետաղագործներին, մյուսը՝ պղնձագործներին, երրորդը՝



Գծ. 2. Առևտրահասարակական կենտրոնի սխեմատիկ հատակագիծը. 5. Թավ-իգլյան դուռ, 6. Նրզնկայի դուռ, 7. Գյուրջիի դուռ, 8. Անոա դուռ (Բազարբաշի), 9. Իշմեյդան, 10. Բերդի հրապարակ, 11. Փալտո մեյդան, 12. Աթմեյդան:
Գծ. 3. Բեդեստենի հարկերի հատակագիծը:

կաշեգործներին, շորորդը՝ դերձակներին, ապա արծաթագործներին, մսավաճառներին, պտղավաճառներին և այլն²²: Այդ է վկայում նաև Միրախորյանի հետևյալ նկարագրությունը. «Տեղիս սովորական արհեստներն են պղնձագործությունը, դարբնությունը, պայտառությունը, զինագործությունը, ոսկերչությունը, դերձակությունը, կոշակարությունը, թամբագործությունը,

²² Norman G. Bell, Armenia and the campaign of 1877, London, p. 32.

հյուանությունը, ոստայնանկությունը, օճառաշինությունը, խաղախորդությունը, ներկարարությունը, սև սաթի շինությունը, մոմաշինությունը...»²³,

Կարինի առևտրահասարակական կենտրոնի մասին հավաստի տեղեկություններ է հաղորդում Ղ. Չարքը: Ըստ նրա, քաղաքում հաջորդական կարգով եղել են հետևյալ շուկաները. միջնաբերդի անմիջական շրջապատը, Թավրիզի և Անոա գոները, Իշմեյդանը, Նոր դուռը, Նրզնկայի դուռը, Փալուտ մեյդանը, Աթմեյդանը, Գյուլբիթի դուռը, որոնք իրականում մեծ հրապարակներ էին, որտեղ շրջանաձև կամ քառանկյունի պարագծով դասավորվել էին հարյուրավոր կրպակներ, խանութներ և արհեստանոցներ: Հիշատակված հրապարակները, իրարից նկատելի հեռավորության վրա գտնվելով, միմյանց էին միանում երկարածիգ ու շեն շուկաներով (գծ. 2), որոնք «Գօտիի մը նման կշրջապատեին հնագույն և հին Կարինները, զանոնք բաժանելով հայկական թաղերեն» նորագույն Կարինեն, շինված քաղաքի եզերքներուն վրա»²⁴: Շրջանաձև երկարող այդ շուկաներն ունեին հետևյալ հաջորդականությունը. Անոային դարպասից սկսած, Իշմեյդան կենտրոնով և շարունակվող խանութաշարքերով, դրանցից վերև դեպի միջնաբերդ՝ ոսկերչների ծածկված շուկան էր, ապա դաֆաֆնոցը, որը ամբողջապես կոշիկի արտադրությանն էր հատկացված: Այստեղից դեպի Գյուլբիթի դարպասը երկարում էին՝ «Կամուրճի գլուխը», Նկեղեցու շուկան՝ Ժամին դուռ կենտրոնով, Պարսիկների, «Միսալլէի», «Կիւ Ահմէտի», Թաղին գլուխը («Մահալլէ բաշի»), պղնձագործների և դարբինների շուկաները: Գյուլբիթի դարպասից մինչև Աթմեյդան և Փալուտ մեյդան հրապարակները շարունակվում էր մոտ մեկուկես կիլոմետր երկարություն ունեցող «Սաման բազարին», իսկ դրանից դեպի Նրզնկայի դուռը՝ քարաշեն «մաղազաների» շարքերը²⁵:

Կարինի առևտրահասարակական համալիրի ճարտարապետական-ժամալատարածական հատկանիշները պարզաբանելու համար անդրադառնանք նրանում ընդգրկված առանձին կառույցների մասին մեզ հասած տեղեկություններին:

1) Առևտրական շենքեր: Առանձին շուկաների մասին խոսելիս նշեցինք առևտրական շարքերի մասին: Այստեղ ավելացնենք այն շուկաները, որոնք, հատկացված լինելով Կարինի հնագույն առևտրական ու արհեստավորական ասպարեզներին, պատկանում էին քաղաքի հայ բնակչությանը: Այդպիսիք են եղել ոսկերչանոցը, բախըրջնոցը (պղնձագործական արհեստանոցներ), երկաթագործների, Կամրջի, Ժամին, Նազիկ, Նրզնկայի դուռ շուկաները²⁶:

Առևտրական շենքերից կարևորագույնը կարելի է համարել Ռուսդեմ փաշային վերագրվող բեդեստենը (գծ. 3): Թեև շենքը հայառձև է, սակայն իր հատակագծային լուծմամբ վերագրելի է նախաօսմանական ժամանակաշրջանին, քանի որ նման կառույցների (ուշ միջնադարյան ժամանակներից հասած տեղեկությունների համաձայն) հաճախ ենք հանդիպում Արևմտյան Հայաստանի մի շարք քաղաքներում (Բաբերդ, Նրզնկա, Շապին Գարահիսար, Սեբաստիա, Ակն, Բաղեշ, Վան և այլն)²⁷:

Բեդեստենների մասին առաջին անգամ տվյալների ենք հանդիպում բյուզանդական տիրապետության քաղաքներ Տիրեյում (800 թ.) և Կեսարիայում (903 թ.)²⁸: Վերջին հանգամանքը, ինչպես և այն պատմական փաստ-

²³ Մ. Կ. Միրախորյան, Նկարագրական ուղևորություն ի հայաբնակ զավառս արեւելայն Տաճկաստանի, հ. 3, Կ. Պոլիս, 1885, էջ 154:

²⁴ Ղազար Չարք, Նշվ. աշխ., էջ 106:

²⁵ Նույն տեղում, էջ 107:

²⁶ Նույն տեղում, էջ 106:

²⁷ «Օտար աղբյուրները Հայաստանի և հայերի մասին», հ. 4, էջ 126, 136, 137, 153, 158, 200, 247: Կան նաև հիշատակություններ ուրիշների մոտ:

²⁸ Gunduz Ozdes, *Turkiye carsilari*, Istanbul, 1954. S. 55—56.

տը, որ արվեստի տարբեր բնագավառներում, հատկապես ճարտարապետության մեջ, եղել են բուլղանդա-հայկական սերտ առնչություններ, հիմք են տալիս պնդելու, որ այդպիսի կառույցներ հայկական քաղաքներում գոյություն են ունեցել շատ ավելի վաղ, քան ուշ միջնադարում:

2) Իջևանատներ: Այսպիսի շենքերի գոյության մասին առաջին անգամ հանդիպում ենք Ջաքարյա Կազմիկի հետևյալ հիշատակությունում. «Այստեղ, առևտրական ճանապարհների վրա, սեղուկ սուլթանների դուստրերը ամեն մի փարսախի վրա կառուցել են տվել իջևանատներ, որովհետև Ռումում (Կարինում—Դ. Կ.), ցուրտերը տեղում են 8 ամիս, և ձյունը բավականին շատ է»²⁹:

Կարինում կարավանատների քանակի մասին մեզ հասած տեղեկությունները տարբեր են. Տավերնիեյն նշում է, որ դրանք բազմաթիվ են³⁰, էվլիյա Չելեբին դրանց թիվը հասցնում է 80-ի³¹, Սմիտը և Դվալտը՝ 36-ի³², իսկ Միրախոբյանը՝ 150-ի³³ (հավանաբար ամբողջ շրջանում): Ըստ Ղ. Ջաբրեի, Կարինում կային բազմաթիվ առևտրական խաներ, որոնք մի քանի տասնյակի հանոդ վաճառատներով, մթերանոցներով ու մեծաքանակ ապրանքների վաճառքի պահեստներով ինքնուրույն շուկաներ էին՝ յուրաքանչյուրը հատկացված առևտրի որոշ տեսակի համար: Հիշատակելի է նաև հեղինակի հետևյալ վկայությունը. «Նախքան իր մեջ ամբողջություն մըն էր առևտրական հասկացողությամբ, իր սրճարանով, աղբյուրով, պաշտոնեություններ և իրեն հատուկ բեռնակիրներու բազմությամբ, որոնք հոն կաշխատեին և կծառախեին վաճառականներուն»: Հաջորդ տողերում նա քաղաքի առևտրահասարակական կենտրոնի խաներից հիշատակում է խալոլու, Կամպուռի, Դեվլիշ աղայի, Թյուլթյունի, Կենշ աղայի, Բաց, Բրնձի, Ժամին, Բաստրամաջունց, Պարսիկների և այլ իջևանատներ, նշելով, որ դրանք երկհարկ, քառամուտք և բակավոր շենքեր էին³⁴:

3) Այլ օժանդակ շենքեր: ա) Բաղնիքներ: Քաղաքում իջևանող վաճառականների կենցաղային հոգսերի համար առևտրահասարակական կենտրոնում կային բազմաթիվ բաղնիքներ: Միրախոբյանը դրանցից միայն երկուսն է հիշատակում՝ Մարմար և Կյումրիկ համամները³⁵: Մի ուրիշ աշխատության մեջ, XIX դ. տվյալներով, նշվում է 19 բաղնիքների առկայություն³⁶: էրզրումի պատմաճարտարապետական հարցերին նվիրված թուրքերեն մի աշխատությունում հիշատակվում են Մուրադ փաշայի, Ներկարարաց թաղի, Քառասուն աղբյուրների, Բաստրամաջունց, Պղնձագործների թաղի, Տախտակյա, Կյումրիկ, Փոքր, Տիկնանց, Սերունիների և այլ բաղնիքներ³⁷, որոնց մեծամասնությունը վերագրելի է զարգացած միջնադարյան ժամանակաշրջանին: բ) Խոնավեցուցիչներ: Միջնադարյան քաղաքների կենտրոններում իջևանատան և այլ օժանդակ հարմարությունների հետ լինում էին աննդի սպասարկման առանձին խանութներ: Հայկական քաղաքների առևտրահասարակական համալիրներում այդպիսի դեր էին կատարում խոհակերանոցները: Ուսումնասիրվող ժամանակաշրջանում խոհակերանոցների վերաբերյալ տեղեկությունները սուղ են: Դրանց գոյության մասին տեղեկանում ենք միմիայն վարդան Ալզեկցու

²⁹ Ջաքարյա Կազմիկի, Գիրք մարդկանց և երկրների մասին, Հոտինգհն, 1848, տեղ. «Ռում» (արաբերեն հրատարակություն):

³⁰ Tavernier J. B., Les six Voyages en Turquie..., Paris, 1679, VI, p. 11—12

³¹ Evliye Celebi, Seyahatnamesi, Istanbul, 1933, Cilt 2, s. 212.

³² „Researches of the Rev...“, p. 128.

³³ Մ. Կ. Միրախոբյան, նշվ. աշխ., էջ 153:

³⁴ Ղազար Ջաբրե, նշվ. աշխ., էջ 287:

³⁵ Մ. Կ. Միրախոբյան, նշվ. աշխ., էջ 154:

³⁶ „Researches of the Rev...“, p. 128.

³⁷ Konyali, Ibrahim Hekki, Erzurum Terhi, Istanbul. 1959, s. 280.

մի քանի առականերից³⁸, Ամեն դեպքում, հիմնվելով մեղ հասած տեղեկութիւնների վրա, կարելի է պնդել, որ նման շենքերի առկայութիւնը ուշ միջնադարյան հայկական քաղաքների կենտրոններում նորութիւն չէր, այլ ունենր շատ ավելի հին անցյալ:

Կարինի կենտրոնն այցելողներին սպասարկող սննդի ձեռնարկութիւնների մասին ունենք միայն էվլիյա Չելեբիի հետեւյալ վկայութիւնը. «Շուկայում պատրաստված ընտիր, սպիտակ, յուղալի չորեքը, մեկ գրկաշափ ընտիր հացը, գաթան, խաշը, թոնրի խորովածը, հարսան, խմելիքներից տեսակ-տեսակ շերքերը, հասարակ մարդկանց բոզան՝ հայտնի են»³⁹: Սա համեմատելով վերոհիշյալ տեղեկութիւնների հետ, կարելի է ասել, որ նման խանութներ Կարինում եղել են զարգացած միջնադարյան ժամանակներից սկսած և հանդիսացել են քաղաքի առևտրահասարակական կենտրոնի բաղկացուցիչ կառույցներից մեկը:

զ) Հիշատակաւոման-դամբարաններ: Առանձին անհատների հիշատակին նվիրված փոքր շինութիւններ են՝ կառուցված որպես դամբարան-աղոթատեղի կամ ցայտաղբյուր: Այդպիսիք են՝ Նրզնկայի դռան մոտ եղած «Նահատակաց տապանը», մի ուրիշ տապան՝ Աթմեյդան շուկայում, սուրբ Թորոսի հուշադամբարանը՝ Իշմեյդան շուկայում⁴⁰, Դրախտի ակը՝ Ներկարարաց թաղամասում, Մումագործների, Բատ բազարի, Ձկան շուկայի, Գյուրջիի դռան և այլ տեղերում եղած աղբյուրները: Այսպիսի ճարտարապետական փոքր կառույցների թիվը բավական շատ է Կարինի կենտրոնում⁴¹:

Վերևում ներկայացված շենքերի քանակն ու զբաղեցրած ընդարձակ տարածքը հաստատում են, որ հանձինս Կարինի, միջնադարյան Հայաստանում եղել է միջազգային նշանակութիւն ևս մի առևտրահասարակական կենտրոն: Այստեղ գտնվող կենցաղային, առևտրական, արտադրական ու իշկանային շենքերի բազմաթիւ տեսակները ֆունկցիոնալ սերտ կապերով կազմակերպում էին քաղաքի առևտրական կյանքը: Այդպիսիք են եղել՝ Ներկարարաց արհեստավորական թաղը իր բաղնիքի ու Դրախտի ակի հետ մեկտեղ, Բաստրմա-ջոնց իշկանատունը իր բաղնիքի, խանութների և աղբյուրի ընկերակցութեամբ, Պղնձագործների թաղը իր բաղնիքի հետ, Դիվիշ աղայի իշկանատունը և այլն: Նշված շինութիւնները, իրար հետ ստեղծելով առևտրի որոշ տեսակի մեջ մասնագիտացված առևտրահասարակական խմբավորումներ, աստիճանաբար առաջացրել են հաջորդական, անկանոն ձևի 7 հրապարակներ (գծ. 2) և դրանք իրար միացնող առևտրական փողոցներ: Այսպես, թաղային և հրապարակաձև հորինվածքային դասավորութեան առևտրահասարակական բջիջները, քաղաքի ընդարձակմանը համընթաց, հաջորդաբար ստեղծել են շուկաների մի խումբ, որոնք ապրանքամատակարարման և մատչելիութեան նկատառումներով զարգացել են դեպի քաղաքադարպասները:

Անդրադառնալով առևտրահասարակական բջիջների ծավալատաքսական-ճարտարապետական հատկանիշներին, անհրաժեշտ է նշել, որ համալիրների հորինվածքային ներդաշնակութեան մեջ իշխող դերը պատկանում էր պաշտամունքային շենքերին՝ իրենց բնորոշ հերոսական մասշտաբով, սլացիկութեամբ և կատարելագործված մշակվածութեամբ: Նրկորդական կերպարը ստեղծում էին մնացած շենքերը, իրենց հորիզոնական, փոված ծավալներով:

Կարինի առևտրահասարակական կենտրոնի շուկաների փնջային սկզբունքն ու հատակագծային բջջային հորինվածքը, ելնելով քաղաքի տեղանքի ձևից, կազմավորել են միջնադարյան Հայաստանի քաղաքների առևտրահասարակական կենտրոնների գլխավոր երկու հատակագծահորին-

38 Ն. Մ ա ու, Ժողովածոյք Առակաց Վարդանայ, հ. Բ, Պետերբուրգ, 1894, էջ 191 և 245:

39 «Ստար աղբյուրները Հայաստանի և հայերի մասին», հ. 4, էջ 62:

40 Ղ ա զ ա ր Չ ա ր ք, նշվ. աղխ., էջ 74—75:

41 Մանրաման տե'ս Konyali, Ibrahim Hekki, նշվ. աղխ., էջ 401—402 և 144—153:

գածքային տարբերակներից (գծային և համատարած) գծային հրապարակների համակարգը, որը միացնելով քաղաքի տարբեր ֆունկցիոնալ մասերը ստեղծում էր փոխադարձ կապ՝ շառավղաշրջանաձև հատակագծով ընդարձակվող քաղաքի և նրա առևտրահասարակական համալիրի սահմանների միջև։ Միջազգային ցամաքային առևտրի դերի թուլացումը, և կապիտալիստական հարաբերությունների առաջացումը հաջորդ դարերում, նպաստում են հայկական քաղաքներում արհեստագործության ծավալմանը և նրա համքարությունների գործունեության մեծացմանը։ Զարգացման այսպիսի օրինաչափությունը (հակառակ քաղաքական ոչ նպաստավոր պայմաններին) բերում է մի քանի քաղաքների և դրանց կենտրոնների սահմանների ընդարձակմանը։ Այդ քաղաքների թվում էր նաև ուշ միջնադարյան Կարինը՝ էրզրումը։

Էրզրումը ուշ միջնադարյան Հայաստանի մյուս քաղաքների նման ուներ անկայուն իրավիճակ՝ հաճախ ավերվում և վերականգնվում էր։ Դրանք հաստատող տեղեկությունները բազմաթիվ են։ Դրիգոր իլաթեցին հաղորդում է. «Զկարնոյ քաղաքն՝ ղկրզում քան զամենայն խիստ ավերեց»⁴², 1514 թ. թուրք-պարսկական պատերազմում բախվող կողմերը ձգտում էին իրենց հսկողության տակ առնել մի կողմից Հնդկաստանից և Միջին Ասիայից դեպի Փոքրասիական նավահանգիստներ տանող միջազգային առևտրի մայրուղիներն ու Մերձավոր արևելքի կարևորագույն դիրք ունեցող քաղաքները՝ Թավրիզը, Երևանը, էրզրումը և Թոխաթը, մյուս կողմից՝ Կասպից, Սև և Միջերկրական ծովերը իրար կապող առևտրի ու հաղորդակցության ճանապարհները և հանգրվանային քաղաքները⁴³։ Շահ Թահմազի հիշատակարանում հանդիպում ենք նաև էրզրումի ավերման պատկերներին⁴⁴։

Էրզրումի առևտրահասարակական կենտրոնի ընդարձակմանը վերաբերող տեղեկություններից այստեղ նշենք Ղ. Զարբքի հետևյալ նշումը. «Քաղաքի արտաքին պարիսպները ժամանակի ընթացքին և մասնավորապես 1895 թ. մեծ երկրաշարժին ավերման և քանդումների ենթարկված ըլլալով, այդ վայրի վրա շինված են շենքեր և շուկաներ»⁴⁵։ Ս. Էփրեկյանը Թավրիզյան դարպասի շրջապատի մասին գրում է. «Արտաքին պարիսպին շուրջ գրեթե քարենկեց մը և ավելի հեռու են մարդաշափ ու կես խորություն մը փոս փորված է և երկու կողմերը որմերով ամրացուցած են ու քարեղեն կամուրջներ ձգած վրան, բերդը երթալու համար։ Փոսեն ասդին մինչև բերդը ամբողջ շուկա է և մեծ արվարձան»⁴⁶։

Ք. Զելեբին հաղորդում է, թե էրզրումն ունի հին և նոր թաղամասեր, գրանցում կան ջամի, բաղնիքներ և բեղեստեն։ Սա վկայում է, որ քաղաքը հաջորդ դարերում շարունակվել է կառուցապատվել բնակելի և առևտրահասարակական շենքերով⁴⁷։ Կեր-Պոտերը XIX դ. սկզբում այցելելով քաղաք, գրում է. «Ժամը 11.30-ին անցնելով հոծ շուկաների միջից, պարսպի կրկնակի դարպասներից մտնելով, հանգրվանեցինք քաղաքում»⁴⁸։ Նման տեղեկություններ կան նաև՝ Դյուրլիի, Երզնկայի դռան և Իշմեյդանին կից բազարբաշիի շրջապատում գտնվող՝ քաղաքի ուշ շրջաններում կառուցված շուկաների մասին։ Հետևապես, կարելի է եզրակացնել, որ նոր Կարինին համապատասխանում էր քաղաքի արվարձանային մասը։ Այստեղ ուշ միջնադարում առաջա-

⁴² «Ժն դարի հայերեն ձեռագրերի հիշատակարաններ», կաղմեց Լ. Ս. Խաչիկյանը, հ. Ա, Երևան, 1955, էջ 232։

⁴³ «Հայ ժողովրդի պատմություն», հ. 4, Երևան, 1972, էջ 82։

⁴⁴ «Մատենադարանի պարսկական հրովարտակներ», հ. 2, Երևան, 1959, էջ 8—9։

⁴⁵ Ղ ա ղ ա Ր Զ ա Ր Զ, Նշվ. աշխ., էջ 59։

⁴⁶ Ս. Էփրեկյան, Պատկերազարդ բնաշխարհիկ բառարան, հ. 2, Վենետիկ, 1907, էջ 43։

⁴⁷ «Օտար աղբյուրները Հայաստանի և հայերի մասին», հ. 4, 1967, էջ 43։

⁴⁸ Հ ո վ հ ա ն Ն ե ս Հ ա կ ո Ր յ ա ն, Ուղեգրություններ, հ. 2, Երևան, 1934, էջ 334։

ցած առևտրահասարակական ձեռնարկությունները կազմում էին բերդաքաղաքի կենտրոնի անմիջական շարունակությունը և նրա դարգացման ուշ միջնադարյան փուլի բաղկացուցիչ մասը:

Ամփոփելով նշենք, որ Կարինի առևտրահասարակական համալիրը դարգացել է Թեոդոսուպոլսի կենտրոնի տեղում՝ հանդիսանալով նրա շարունակությունը:

Ֆեոդալական հարաբերությունների կազմավորմանը զուգընթաց, աստիճանաբար դարգանում է քաղաքի առևտրահասարակական կենտրոնը: Այստեղ առաջացած թաղային և հրապարակաձև հորինվածք ունեցող խմբավորումները (կազմված՝ իջևանատներից, առևտրական ու արհեստավորական շարքերից, հասարակական ու կենցաղային սպասարկման այլ շենքերից) ստեղծել են հաջորդական հրապարակներից բաղկացած, զծային հորինվածք ունեցող շտվանների և արհեստավորական թաղերի մի փունջ: Կարինի առևտրահասարակական կենտրոնը, վաղ միջնադարյան ժամանակաշրջանում առաջանալով միջնաբերդի շրջապատում, հաջորդ դարերում (ապրանքամատակարարման և մատչելիության նկատառումներով) գլխավոր փողոցների երկարությամբ զարգացել է դեպի պարսպի դարպասները, դարձել քաղաքի ֆունկցիոնալ մասերը կապող քաղաքաշինական կարևոր տարրերից մեկը:

Ուշ միջնադարում, հակառակ հայկական քաղաքներում կատարվող գյուղացման և ամայացման պրոցեսին, Կարինը պահպանում է իր նշանակությունը, դառնալով Մերձավոր արևելքի արհեստագործության կարևորագույն կենտրոններից մեկը: Այս շրջանում կառուցված առևտրահասարակական շենքերը հանդիսանում էին միջին դարերում կառուցապատված գլխավոր կենտրոնի անմիջական շարունակությունը և այն մատչելի էին դարձնում քաղաքի նորակառույց մասերին:

АРХИТЕКТУРНО-ГРАДОСТРОИТЕЛЬНЫЕ ОСОБЕННОСТИ ТОРГОВО-ОБЩЕСТВЕННОГО ЦЕНТРА ГОРОДА КАРИНА

ДАВИД КЕРТМЕНДЖЯН

Резюме

Особенности средневекового торгово-общественного центра Карина формировались на различных этапах истории города. Центр ранне-средневекового Карина (Феодосиополя) дислоцировался по античному градостроительному принципу, который сохранился также в композиции центра, образовавшегося в последующие века. С дальнейшим развитием феодальных отношений расширяется торгово-общественный центр Карина. Здесь образуются группы различных, обслуживающих торговлю, зданий (караван-сарай, постоянные дворы, торговые и ремесленные ряды, другие общественные и коммунально-бытовые здания). Ими формируется целый градостроительный комплекс, состоящий из последовательно расположенных площадей, которые связаны между собой линейной системой торговых и ремесленных улиц. Позднесредневековый Карин (Эрзерум) продолжает сохранять свое торгово-ремесленное значение, тогда как некоторые города Западной Армении теряют его. Новые торгово-общественные здания Эрзерума градостроительно дополняли отмеченный центр и являлись его непосредственным продолжением.